

興安縣志卷八

武備志

兵制

兵之制昉於皇帝自寓兵於農之後制之善者莫如唐之府兵我

朝則法古而不泥於古所以羣醜跳梁不數年而撲滅殆盡也夫忘則必危備則無患興雖二十一里兵猶五十三名教而用之亦可作干城志兵制

國朝郡設叅鎮守備千把總員鉛山另設都司一營興與玉豐

興安縣志

卷八

兵制

一

弋貴惟聽本鎮簡能委防興安設外委把總一員雍正間給以頂帶撥防兵五十三名演武亭在縣治東北一里前志

汛守

龍潭橋新設塘汛篁村新設塘汛汾水嶺新設塘汛重山寨新

設塘汛府志

龍塘橋汛下至弋陽縣界二十里

汾水汛上至饒縣界三十里

重山寨汛下至饒州府德興縣界三十里

興安縣志卷八

武備志

武事

古者於農隙講武事尙矣興非用武地兵又不足似可以其事束之高閣不知教之以親上死長之方未始不可一以當百也第遠自耿逆肆毒近自髮匪跳梁億亦甚矣幸瘡痍之已復自洗雪之同情可使制梃以撻堅利志武事

明

嘉靖三十九年廣閩賊犯撫州及鉛山巡撫胡松提兵直抵廣

興安縣志

卷八

武事

二

信去賊百里一晝夜竟達撫州諸路並進擊賊大破之江西以

安據豫章書增

四十一年壬戌流賊張忠洪都等由閩犯廣信委千戶桑鳳守

備鉛山分水關計擒巨寇百餘人據通志增

國朝

順治三年丙戌四月我兵破廣信先是黃道周督兵出江西詹兆恒以兵侍協守廣信御史周定仍以右僉都巡撫其地王得功破安仁貴溪定仍督副總姜天衢戰蓮湖我兵小却已而戰小箬渡及河口遂大捷城破定仍自縊死兆恒奔懷玉山據紀事增

八年辛卯八月傳鼎銓至廣信張村爲我守將所執江撫夏一
諤諭降不應殺之同上

按申志武事自康熙十三年起今補之自立縣之年起

康熙十三年甲寅三月耿逆告警四月二十四日廣信城守副
將柯昇挾標下兵目以叛奪城而出由永豐至二度關駐札五
月昇遣僞將分路圍城知府高夢說同知侯七乘突圍奔省請
兵七邑俱爲賤踞通志

十四年乙卯三月巴額二將軍帥師征廣信饒州事考

弋陽志云是年閏五月初三日巴額二將軍進取府城柯

興安縣志

卷八

武事

三

逆遁走爲僞左將執而斬之當是時鉛永皆賊壘而衢州
之九龍山又屯巨寇出沒江山草坪間二將軍以孤軍據
一郡力抗東南兩面之賊不能西顧賊當大創之後亦不

敢居城郭興邑以西虛無人煙申志

十五年丙辰三月七邑復爲賊踞八月大兵由衢入閩十一

月浙督李之芳發兵由玉山至廣信招撫各屬始復安堵郡前志

十九年庚申逆賊相繼投撫江西全省餘寇悉除江右救甯疏畧

五十九年庚子鉛山異民吳兼山等潛謀不軌居民驚竄同知

朱師濂旋撲滅之貴溪志

鉛山志云知縣王作朋集紳士總練捕獲正法與此小異

志申

咸豐五年三月初五髮逆陷弋陽興界騷動知縣狄上林會同汛弁督帶兵勇於近弋之境扼要堵禦十有餘日二十日另股賊忽由婺源竄入興安縣城遂回戈擊之賊卽遁

六年八月初八日髮逆分股抵境狄上林帶兵勇堵禦各鄉團接應逆奔竄河口
八月十七日逆匪敗於郡竄西洋舖十九日竄擾葛源篁村而去

興安縣志

卷八

武事

四

七年二月二十九至三月初五髮逆連日由烈橋道經西洋舖初五日大隊往柴家埠搭浮橋過河初六日晚另股竄葛源篁村而去

三月初六賊由弋陽馬鞍陂竄入五十八都焚燒房屋丁壯被殺被擄者數十人

八年七月廿三日賊由玉山竄入十五都勇丁堵禦蔓嶺開銃擊石斃逆四名遂踰黃土嶺而去

十年髮逆擾十二都

十一年五月十五日賊由河口圍興安十六日退

八月初九日賊竄五十九都又竄五十八都霞陽坂十四日竄七都廿七都

八月十八日賊由鉛邑至興安縣令李淇辦理軍務憂勞備至先期病故代理周宗頤尙未到任教諭傅春華訓導歐陽濂下鄉招團典史洪恩官署外委藍金龍率兵勇防禦賊眾兵單城遂陷旋經叅將顧雲彩道員李元度率仁佑安越等軍先後踵至洪典史藍外委傳教諭歐陽訓導跟同進攻二十日克復縣城

同治三年賊由弋陽敗竄五十八都殺賊數十而勇丁之被害

興安縣志

卷八

武事

五

尤爲慘毒

四月初一日髮逆由德興竄擾十七都是年十二都赭亭山等處屢經防堵

按是年髮逆犯境楊邑侯邦棟設法團練募勇二百官民堵禦均有勞績